

本傳

許子偉。字用一。孤貧力學。登萬歷壬午鄉薦。丙戌進士。授行人。尋擢兵科給事中。轉吏科右給。抗顏諫諍。值聲大著。創瓊州會館於京師。鄉紳羈旅稱便。告病歸籍。假滿補戶科右給事中。以彈劾權貴忤旨。謫銅仁府經歷。遂歸養母。凡戚里貧乏。多所賑給。值黎寇猖獗。貽書當事請勦之。內使開採珠船。科派瓊珠。役以萬斛。子偉力言。得減其數。置義學於儋耳。開敦仁書院於郡中。建明昌塔以培文風。中外疏薦起用未報。卒。賜諡忠。值建坊。著有諫垣錄。廣易通。敦仁編。鄉人請祀於明昌塔。以配邱海。今祀鄉賢。恭通誌

賜進士吏戶兵三科給事中許忠直公墓表

寸四五尺八寸闊二尺

先大夫以雷憲掌瓊篆。余舉孝廉。省親官署。因以知瓊山之許公。文章則宗邱深菴。理學則師陳白沙。楊復所。氣質則效海剛峯。及余以闕事歷覽文宗諸科臣奏議。敬服於公素矣。嗣是壻翁吉鼎以特用改授瓊州。其爲門人許生合明。萬里走啓。請余撰墓表。乃得悉公之素行焉。許公諱子偉。字用一。號甸南。原籍金陵人。年十四早喪父。侍母任太孺人。守節教養。居恒讀書。披覽不倦。舉萬歷壬午科鄉薦。登丙戌科進士。授行人司行人。與海剛峯公並居瓊郡福德里。公忠廉介。志同道合。剛峯公捐館。大行儀會舉同鄉之賢者。護喪。以公名請。公不憚萬里。跋涉奉差。御塋工竣。擢兵科左給事中。尋陞吏科左給事中。請歸省親。起補戶部左給事中。廷言降謫。公居家孝友。爲國忠貞。疏劾權貴之要津。進議內使之開採。代貧窶之昏姻。切飢寒之推解。存夏常卿之芳名。助王衛弁之襲職。薦人才不取禮謝。杜門戶不入公庭。有益於世道人心者。公必建言。有傷於民情風俗者。公必補

許 忠 直 公 遺 集

教。所建明昌塔。設儻耳義學。開敦仁書院。學教文昌玉陽書院。所著有廣易通。警覺語。文編吟草等書。公之事業未終。勳名有待。再奉簡命。而溘然仙逝矣。公生嘉靖乙卯年六月初九日亥時。卒萬曆癸丑年五月初二日亥時。享壽五十有九。官清如洗。產業不滿百金。名重如山。景仰每歎多士。闔郡紳耆呈請祀於鄉。得如例。春秋祀公。共建坊表。旌公忠直。配孺人曾氏。伉儷齊眉。初于歸公也。事箕帚。操井臼。供甘旨。理家教子。至老不倦。外而會賓客。內而男女昏姻。孺人稱中饋之淑貞者矣。孺人生嘉靖丙辰年七月二十三日辰時。卒萬曆乙卯年八月二十七日未時。有丈夫子三。長曰公明。娶陳日履女。先公卒。次曰合明。娶邱文莊公仍孫女。三曰命明。娶李芳名女。俱有聲庠序。克昌厥後。有女四。一適唐侍郎曾孫處明。一適鄭學憲支孫之良。一適陳學博長子德明。一適牛衛揮長子瑞斗。天啓六年三月初三日。臧公與孺人於陶山合水之原。崇禎十七年清明日立墓碑。余敢不表之。謹銘之曰。

蔡妻

叁

墓表

肆

諫草修筆不修舌。文皇轉圖鑿熱血。一生骨鯁堅如鐵。何當枉笏呈直節。嗟乎高風世雖隔。久仰忠貞著廉潔。鬱鬱佳城得安厝。峨峨陶山隱藏宅。生爲名諫沒鄉哲。行人過者視貞石。

賜進士第東閣大學士太子少保禮部尚書蔣德璫拜撰

崇禎十七年歲次甲申春月立

許 忠 直 公 遺 集

序

記

目 錄

贈賀定齋邑侯仁政榮滿序

贈縣尹賀定齋家居六十一壽序

喻義亭朱陸同然記

尙友書院記

陳邑侯去思記

巡按察公散溥黨碑記

會同學田記

儋蘭村德義書館記

目 錄

許 忠 直 公 遺 集

目 錄

遷建儒學記

溶河記

祭文

祭海忠介公文

詩

文筆峯

五指山和丘文莊公韻

海口渡

挽海忠介公

玉陽書院

臬塘館喜晴擬回玉陽書院祀白沙先生

遊青山三首

馬鞍岡

贈賀定齋邑侯仁政榮滿序

文昌之有玉陽書院也。自賀瞻龍先生始也。先生令文昌甫二載。爲丙申歲。而玉陽書院成。一日走刺招余菽水亭曰。以不殺之夙奉教於君子也。而子然空琴堂。居元元上。毋論學落。即謂以造多士。而答聖天子帥師之命。偷其惠邀東行。不腆下邑。庶幾有光乎。已而聞體仁堂。坐予首坐者數日。予爲發先生顏堂之旨。爲之談仁體者亦數日。時則博士青襟子雍如也。諸衣冠秩如也。相與歌白沙陽明之句。耆童暗嗜如也。衙庭翼翼如也。爾闕熙熙如也。谿澗啾啾之間。穰穰如也。先生閑閑與與如也。此不可觀先生之政哉。此不可觀先生之仁哉。今博士梁孝廉帥諸生以滿綴文請。噫嘻。先生之政。先生之仁爲之。徵仁何以名先生。先是先生下車期月。化洽隣封。予爲叙循良新政頗悉。迄今三年如一日。而仁有加焉。節行冰潔如故也。而道德縱躬。天行物表。奚啻清畏人知也者則仁。催科撫字。匪荏苒。清肺石。深左右如故也。而心浮於法之外。奚啻人自以爲不寬也者則仁。不踰狎強角。

名高如故也。貧而納之富。富而納之禮。虛廓坦夷。而人靡所道智。靡所見德則仁。夫先生數者之政。遠邇司民者。若標準而範之。而欲然常自損也。監司郡大夫兩臺使者。慮無不人人上治行高等。期且夕大用。而爲卽以文昌審樂之也。卽今鄉保軍容。用遏戢黎醜。彬彬文有其武。而不沾沾以自見也。遇有水旱。爲之勸貸以賑濟之。時聞疫癘。爲之捐金以匡救之。里社祈賽。若迎藉祭虎。爲之修禮制以明示之。教訓正俗。無務拘攣。博世儒剛方之名。其仁政豈今時所易有乎。瓊中士民。每思救理之病。欲竟借先生以瘳之。而先生惻隱中存。遇民卽告民。遇士卽吾士。由瓊文而定會。無不人人父母先生也。何也。仁然後無虧缺。仁然後無伎倆。仁然後無閼隔。仁然後無拘執。仁然後無差等。先生真體仁者哉。夫先生學於王塘南先生。塘南先生兩葉監司奉常。歸講學於西原。老而益礪。求以明此道。精研於靜。而實證於性。得學真詮。吾儒作用。患學不明與真耳。先生得其明者真者。以令文昌。學不必已用。道不必已行。塘南先生聞之。不當如子輿氏喜樂

正子耶。願樂正子好善。尙在疑信之界。其中未必有也。適先生存之矣。又若將充實而光大之矣。先生示予塘南語錄曰。聖人與天地萬物一體。痛癢相關。俱立俱達。是謂行仁。又曰俱立俱達。形容本心。生生面目。最爲親切。以今觀於文昌之政。斯教不旣行乎。教行而學不益明乎。塘南先生之喜。當甚於子與氏矣。敬爲特書。馳以聞於二益軒。

贈縣尹賀定齊家居六十一壽序

夫仁民者未有不仁其身者也。違定齋賀侯尹文昌。清白獨持。本仁心爲政。急撫字。緩催科。先德化。後刑罰。屏虛文。敦實意。蠲俗態。還古雅。疎闊當路要津。而詳密於窮簷鄙屋。利罔弗興。害罔弗釐。五六年如一日。至會多士於體仁堂。而道心醒。祀白沙子於崇正樓。而舉學明。絃歌之聲。達境內外。而仁政備矣。用是譽騰上國。擢貳守姑蘇。變遷大用。庸詎知輒賦歸來。潔其身以成其仁哉。前是侯東吾京邸曰。某之不予役姑蘇也。以塘南師老且耄。願及時事之。報國之日長。可徐以俟也。予知侯有託而致仕。非爲

許 忠 公 遺 集

高蹈。其經世之志。何日能忘。爲歎服者久之。而予道歸螺州。養疴三益軒。侯爲予授館粲。見侯事塘南先生。若終身慕。左右就養。有方而若無方。出王遊衍。頃刻離之而不可得。不覺歎爲近今罕觀。又見侯約其撫字德化者。以存養乎瞬息。移其實意古雅者。以葆合乎太和。收其邇滿窮簷部屋者。以潛育乎天倪。而滌除乎元覽。不覺悚然。而儼然起敬。異哉侯乎。仁其身而并仁予身乎。予旋里時。盡得侯瀕行遮留狀。今世所無。即王宗伯撰去後碑文。亦未能罄。曩所會玉陽書院諸士。罔弗思侯。思其洞悉民瘼。思其學術政事。無日或去諸懷。是歲初秋。爲侯六十初度。爲侯六十初度。思致闕陵之祝。予安能已於言哉。侯大渾然仁體。以仁成壽。多士因思侯之仁。以祝侯壽。推廣其體。深驗其心。將侯一身之仁。推之爲千萬人之仁。而千萬人之仁。歛之爲一身之仁。爲千萬人之仁。則千萬人之心。合而思侯矣。爲一身之仁。則千萬人之心。亦合而祝侯矣。或曰侯之仁體已素。而心依塘南師以爲壽。何也。予曰道脉哉。竊思塘南先生。駁歷中外。廿年不可。謂非經世。而必深究

所學。惓惓然爲傳道計。屢起不就。何爲者。蓋年已八十。垂教西原之上。儻若高密。而道脉長矣。定齋而在。塘南未死。若之何不壽。夫學而後有師弟子。有師弟子而後有道脉。姑亡遠喻。其在白沙子之門。賀克恭棄諫。臺抱師像老於北海。壽七十有奇。張廷實棄尙書郎。抱師誦老於南海。壽亦七十有奇。大率與白沙子之年近。非道脉與。或曰若然。侯壽似可逆睹。予曰、有待哉。孟子云。修身以俟命。守先王之道。以待後之學者。自孟子而後。歷數百年。能當此任者。惟鄭高密。高密守其道以徐頌臨。頌臨之能傳其學。以及學於小同。此何故也。爲傳道也。今觀十年前。塘南先生以侯爲頌臨。以其孤孫爲小同。必待其能爲師。以教其孫。以傳其學。而始不失其道統。以視白沙之於景易。陽明之於正憶。大都皆同。則何可有待於後學也。夫身脉關夫家脉也。家脉亦關乎道脉也。始不自以爲私。而卒能成其私。亦未有不仁其身。而能不仁其後者也。凡此皆可以視侯。瓊文多士。所爲遙拜而瓣香以祝之者。其在是乎。至若世家貴顯。宗嗣炳蔚。爲廬陵鼎

族。業見有大宗之子。長而賢者。同尸之。不在祝中。是爲序。

記

喻義亭朱陸同然記

余入洞讀朱陸二先生所爲。宣諭吾夫子喻義之旨。有慨于中。擬造喻義亭於文會堂後麓。扁之曰朱陸同然。諸士友問其說。說曰。義也者。自有天性來已然。喻義也者。自有聖學來已然。二先生安得不然。安得不同哉。夙傳象山尊德性。晦翁道問學。爲之徒者。至分門別戶。互侵牴牾。若鑿枘不相入。後學遂謂朱陸異造。衛道之士。乃肆爲論辨。調停其異。而強歸之同。余竊疑焉。夫二先生學聖人者也。聖人之道。一而已矣。何至背馳若是。已取象山書讀之。則未嘗不道問學矣。已取晦庵書讀之。則未嘗不尊德性矣。已又取所謂無極太極之辨。反復讀之。止于一時章句意見之偏。而未嘗不歸于一太極矣。居則曰。朱陸同哉。乃今睹象山發明喻義。痛快人心。晦庵書而傳之。鑄而永之。所爲指初學之關鍵。而啓叔季之塵迷。如合符券。毫髮不爽。安得不曰朱陸同然哉。第余竊深有感矣。朱陸之時。去孔孟之時已

拾

遠。今之時。去朱陸之時亦遠。富貴功名之習。淪肌浹髓。惟利是趨。沉溺者恐復不少。即使朱陸生于斯時。一引髮而拔之。一扣脛而驅之。不知遂能令自知愧否。能令之愧。而遂能令之反求其然否。能令其所然。不然其所不然否。出乎彼。必入乎此。離于利。必嚮於義。余無似。正知迷而反嚮。畏影而却走之時也。嗟乎。朱陸之同然。孔孟之同然也。先天後天。前聖後聖。其不然而愧。愧而求其必然者。亦同然也。是則余立享之意也。

尙友書院記

萬曆二十年甲午

大宗伯忠銘王先生。自乙丑釋褐。讀中秘書。討國史。典教成均。徘徊南京。吏禮卿亞。以迄今官。三十年於茲矣。亦既盡友天下之善士矣。歸而建書院。於是邑學宮之左。題曰尙友。蓋曰予從此尙論古人。論其世知其人。如子與氏旨也。江山有助。夙志爲醇。請以記屬吾。子偉不獲辭賁。竊自維曰。先生今日。始友古人耶。兩朝侍從。以經術人材事明主。上肩禹臯。下不失選。固先賚之謂何也。今日獨友古人耶。所昕夕韋帶之士。而哇曖之儔也。行不越

井里。聲不徹都會。安得謂一鄉也者。只今人也者。而橫遠之。偉敬有質於先生。先生襟期朗曠。不立城府。每每脫畧於形骸聲勢之外。而一種天趣。盡如融如。偉月且先達。嘗借擬剛峯冬也。而先生陽春。春者仁也。先生自適其適。而又適古人之適者也。夫世莫古於性。性莫古於仁。以其不忍人也爲愛。以其不私已也爲公。以其天地萬物一體。而痛癢相關也。爲覺爲活。總之乎已立立人。已達達人而已矣。好仁者無以徇之。是曰尙友也與哉。雖然。偉又質於先生。先生曾著論曰。用則行。舍則藏。惟孔與顏有是也。有是者有所以行。所以藏之之具也。夫孔子安仁。顏子不違仁。藏則仁一身一家。行則仁天下。仁人不過乎物。此物此志也。先生進而友顏。又進而友孔。所以行所以藏之具。猶之乎已立立人。已達達人而已矣。中人以上。可以語上也。是尙友也與哉。乃先生則致書偉曰。予異日者。引士子敬業樂羣於其中。而以其後堂虛一龕。祀先大人鄉賢府君焉。若而可耳。嘻。茲正偉所爲質於先生者也。引士子者。所以仁士也。祀親者所以仁親也。故君子終身仁

禮。新以信今傳後世。任則舜。不任則鄉之人。鄉人也。而友於鄉之善士。不可得。矧其曰國天下。矧其曰上古。偉反而質諸吾心。寧不泔泔汗浹踵耶。易忍卽愛。易私卽公。易冥頑卽覺。易槁枯卽活。易儀衍卽善。所以行。易沮溺卽善。所以藏。友孔顏。友堯舜。偉且廣與天下士圖之。而近與瓊定士圖之。若曰一日復禮。天下歸之。爲仁由己。非由人也。則惟先生自質已爾。是舉也。經始於癸巳之冬。落成於今歲之春。前後堂兩廊儀門。以楹計者若干。用白金以兩計者若干。用夫以名計者若干。厥地南面對文筆峯。襟大江。控金鷄嶺。蓋形家羨白眉云。首事者邑尹姚君志崇。粵右人。成之者署邑陵水尹邵君希皋。湘西人。而董役者里老李宗章。卽先生邑人。先生科第勳名。在宇縣甚著。計且煇彤史。而範來禩。不之及。

陳邑侯去思記

余從徵時。爲郡博士弟子員。每袖所習業。就剛峯海先生質正。間語及吏

序

拾卷

治。徧商吾瓊握銅綰墨之吏。首屈指臨高陳侯。且曰侯清丈藜善。所謂參也。竟以魯得之者。剛峯論人怒直。雅不喜褒異。而於侯心賞舌贊。至擬之曾參大賢。侯胡能獲是哉。侯之始莅臨也。攷古典得謂高山神。用逐廼庶。造福氓庶。侯至白鹿調馴遠度。初若曠矢易之。而旣然神奇也。鹿故仁獸。乃白。則攝生家所稱千年完質。惟之兆侯。侯之政。蓋純白而載道者矣。其清標也。誠不忍噉斯民之膏血。而毫蟻自黠者。其慎刑也。誠不忍斃斯民於桁楊之中。以鷹鷂樹威者。其省訟也。誠不忍斯民之沿習桀健。以傷純厚雅道者。其履畝清丈也。誠不忍縱豪詭遮窮瘼。以辜朝廷蕩滌之恩者。其明化飭俗也。誠不忍斯民踵陋汨非。以淪喪其天良之真者。方其莅事民日。父母稱頌之。若嬰兒之戀戀。迨去。民咨嗟泣留不遂。乃脫鞶憶侯。且冀後志者。盡侯若也。有以哉。有以哉。夫侯之政仁也。民之感而頌。頌而思仁也。余以筆鳴侯之政。以志一時感應之機。亦仁之餘緒也。今之易談吏治者。矚有稍可人意。動以龔黃卓魯稱之。顯祇獵華貢腹。而無當於實。史莫之採。假令有

孟堅蔚宗良史。取侯之政績。與兩漢循吏比肩而並傳。後觀者何敢軒輊哉。侯真龔黃卓魯也。已侯轉節。號振源起家閩貢生。近遷僧守。余猥列朝籍。違諸閩人識侯者。稱侯爲聖胎道骨。不逐塵波。而臨人壽官吳應朝冠帶生員林士真。蓋亦向仁慕義。恥襲故套者。宜有此請也。

巡按蔡公散濤黨碑記

侍御蔡公之按吾瓊也。理百年之曠轍。剔窮陬之積蠹。播萬靈之新祉。貪穢解綬。氓庶維新。真奇蹟哉。而最著洪伐。鑄貞珉而不泐。則莫散濤黨若也。瓊之有濤。蓋十餘年所矣。始當事者念黃池赤子。不欲專騁戈戟。以干天和。而若黨在撫綏之後。名爲良民。而攘民間利如故。頻揚帆西向。載珠合浦。扞憲網不休。洋裏選抽艦稍脆。輒反戈吞噬。而四方亡命賊獲。遁入其中。相倚爲奸。有司壹志包荒云德。不欲問。且以彼爲強藩。且以彼爲勦禦。以故若黨也。動聯百艘。拏口盡挈而逝。則有疑有司之心。有司躊躇顧盼。謹愆爲備。則有疑若黨之心。瓊之民蜚語搖惑。以瘼毒且夕潰也。則內

許忠公遺集

記

拾陸

以疑有司之心。而外以疑若黨之心。瓊之勢亦岌岌矣。所幸侍御蔡公至。洞奸燭詭。講義樹恩。一朝而散處之。且諭之曰。朝廷廓天覆。侍若不死。若奚以明報也。則首者泣而聽。俄而曰。廬室邱塚之念。人人俱有。何若竄別境。觸亡命爲生也。則從者泣而聽。不決旬所云。舖前盜致。焦蕩爲隰郊。襍諸闈中。尙意曰。若而李。若而陳。豈不可近。而卒相帖帖也。於是乎瓊無得。無黨。亡復猜忌而煽惑者矣。吁嗟乎。曷以能是哉。公之學力追聖軌。矚天理甚晰。故以天理感人。而人亦以天理應之。其相與帖帖。而亡復猜疑煽惑之態。則天理之効也。偉奉役旋里。間從薦紳父老。頌公不朽勝事。僉謀碑焉。偉乃載筆言曰。吾人活寄壤間。恃此天理。而盜乃滅之。然實未嘗滅也。彼若人。猝以天理應公。如重雲之快睹白日。何忍復盜。有司樂天理之在若人。而漸成有地。何忍復跡其盜。瓊之人。方與捐故轍。締良盟。何忍薄之於天理之外。而復讖其盜。自此深著嘯聚之輩。願投弧矢。勤春鍾。以沃壤益常課。而瓊無內憂。自此洪波狂逞之徒。亦且斬楫淪楫。潛就樂土。斬固天年。而

瓊無外譬。則皆公餘澤矣。公之有功德於瓊。夫豈不閎且濶哉。公名夢說。字君弼。別號梅岩。起家名進士。爲閩漳巨姓。諸盛政在學。蓋弗克縷敘云。

會同學田記

嘗聞地之美者。養養禾。君之仁者。養養士。董子曰。不素養士而求賢。譬猶不琢玉而求文采。不可得已。甚哉。夫士貴養也。會同自設學來。文教雖興。而養士無具。作人之典。猶有缺也。余擲遊東山。道假會邑。邑侯盧公。學博池公來謁。譚及士風。因謂予曰。學校有田。猶草木之有雨露。士質藉焉。予輩業已捐金。謀置學田矣。居無何。盧公以遷秩行。蒞邑政者今虞公。遂慨然共成厥舉。擇買腴田一莊。歲收爲諸生課餼焚膏之需。於是徵言於予以諭諸生。予告之曰。夫士之異於凡民者。儒其衣冠。肄其儀文。以夸鄰州里乎哉。蓋有莫大之責矣。書不云乎。既富方穀。差行昌邦。茲在上者躬行教化。而養士以田。是雨露之培潤也。爾士幸際斯時。尙相與思育才之雅意。存實

記

拾遺

心。講正學。居必蹈道履德。出則緩佑下民。步武昔之所謂薪樵械櫟者。斯爲向陽之幹。傲霜之條。而官家重藉是。若徒具衣冠儀文。靡茲田祿。於所當盡者。不翅弁髦視之如草木。自外於大造。不爾正而蕭艾者也。將因用之。其若在上者之作與何。多士懋戒哉。

儋蘭村德義書館記

余從萬歷丁丑迄庚寅。蓋儋遊且六稔焉。初爲王敬所延館於唐松山故宅。扁書室曰知新。取可以爲師之義。未有記也。秋移館七里何鄉。徒漸衆。會文於觀音古剎。追扁曰冥會性靈。尙未記。明年徒益衆。乃館於郭岐山園。園在大蘭村郭先生榕庄。以儒官顯而稍落寞。可念也。扁曰蘭館書香。則有記矣。又明年余始入博士弟子員。副榜落第。庚辰途之儋。修舊業。而前途皆已列州巒爲諸生。不可復業。乃爲劉梅臬所延館在高坡。時蓋異鳥來翔。意其鸞也。因扁其堂曰鸞坡堂。則又有記矣。儋西北有德義嶺。岐山韓徒蘭

館向之。曰陽明精舍。曰後樂橋。灣塘叢竹。余蓋旬日一盤桓焉。壬午叨聘薦。甲申載就德義館。謂生徒衆。如戊寅而既倍之。余書室正對德義。始揭尊德樂義。與諸生共談說。而岐山家益窘。神益旺。每攜余坐竹橋上。一觴一豆。下觀小魚爲娛。晴則憩濃陰。歌白沙陽明詩句。雨則引水入塘。拈掌徜徉。飄飄然若脫世網而僊者也。孟子曰。尊德樂義。則可以爵賞矣。岐山非其人哉。丙戌歲余第進士。官行人。丁亥奉命理海忠介後事。越己丑而婆。復僑遊。講義學。盟義學。得地於儋城東南郭外。取傍東坡祠。易集諸生。而岐山舊誼。不可辜也。乃勉捐十金。翔德義書館於蘭村。岐山力肩勞費。以興起斯文爲己任。陳守廉厥善狀。招致旁鄉夫佐成之。幾成而岐山易簣。訣語專及此館及余。不它及焉。茲不可以觀德義哉。今余冊封歸省。業已爲文哭岐山。而書館方新。竹塘仍故。山川尙以識人。諸生隨入蘭村。越宿而散。岐山子思敏。隱然乃父風已。余不佞。敢臆言曰。余與諸士以道學相切磨。以功業文章相砥礪。依馭數歲。不忍解攜德與義也。岐山與余嘯傲

許 林泉之間。翱翔塵壒之外。鄉國幽明。夢魂耿耿。德與義也。諸士與思敏輩。
一稟師若父雅意。道志孔孟。業志伊周。文章志班馬。遇則名世。不遇則範
世。德與義也。周子曰。天地間至尊者道。至貴者德。至難得者人。人而至難
得者。道德有於身而已。

遷建儒學記

直 皇帝御極三十有八載。萬州新遷學宮報成事。恭惟聖明文治流暢海宇。東
公 南閩浙棊盛。萬之於瓊。猶閩浙於天下。起衰而盛。當自今學宮始。先是萬
遺 士上請於當道曰。萬之不競於文也。士實恥之。竊茲學宮緣遭兵燹。亟爲
集 遷。如造草昧。弗良於圖。南壓司府行館。西逼州治。卑湫闊沕。弗協於制。
甚非所以宣道化。回文運。盍改諸。於是浙湖茅一柱至。具詳督學。諾上官
咸報可。擇其故址。左州右枕。厚攬豁展。闢而經畫焉。殿堂門廡。次第畢
緒。尋入覲。擢任去。於是閩泉臺侯志會繼至。加意經畫。招俸郵民。時遇

歲歉。鳩工代食。已歷三載。舉所未畢。萬士致侯命以紀歲月。請序於偉。敬述親聞爲之記。曰。今天下郡國州邑。咸有學宮。若文廟。明倫堂。前櫺星。戟門。若泮池。兩廡。若齋舍。若鄉賢名宦祠。後若啓聖祠。敬一亭。尊經。文昌閣。咸若其制。而茲新學宮皆有之。茲州大夫寅率師生。朔望瞻會所見。卑潛者高。鄙者宏。觀。闡洵者耀於光明。又皆彈冠相慶以爲喜。迺今所願有而深喜之者。更有所事。實厚望於諸事大夫。夫教者。以性道爲學者也。學而非修道。率性。有負於教。性道都人士所固有也。有而非著於倫紀之常。察於隱微之獨。且有負於身。此身在學宮爲暫。在性道爲恒。求新於學宮也。爲壯外觀。求新於性道也。爲功內密。恥不善而改焉。擇厥善而遷焉。遷之至善而止焉。凡吾心性原有是學。惟務教以直內。義以方外。以成氣節文章之盛。所謂本諸性道。而發爲事業者。莫不有之。州之大夫庠師。勉其子弟。天下同文同倫之治。共爲率循。聖朝需賢若渴。無間遐邇。本其所學。出有以饗贊經綸。而恢張治化。還視維新廟貌。光輝實多。茅臺兩侯。諸庠

師。始移身厥事者。小水曰榮施。是役也。肇始乙巳春三月。告成於庚戌六月。而寧侯加意經營。歲在庚申已酉。行高帝卽位。詔天下郡國領道年宮之年。可以下文明之盛矣。茅侯浙江進士。辜侯閩進士。相繼德政。咸在萬人口碑。其庠師貳領與效勩。諸生在工。諸里老皆有勞勩。咸得書名貞珉之左。

濬河記

夫善治雷者。未有不重水利者也。余往來道雷者三十年。愁聞何渠載堤三賢祠、四德堂、永有辭於雷。邇來得雷志讀之。則所云十陂十一塘通濟惠濟諸橋。大抵宋元至國朝名宦。水利懿績。蓋不啻四門豹史起之業云。唐平跡已事觀之。大率雷人糞糞取給東洋田強半。東洋數萬千頃。所資灌溉。一自

許 忠 直 公 遺 集

特侶塘之水南下。風雨不時。圯塞百狀。其利似危且迂。兼以大海環偪。濤飛波漲。一潰其防。田畝輒飽鹹鹵。其害又甚且劇。不渠之疎之濬之。濤未有得利者也。不堤之捍之。濤之。未有免害者也。不時渠之時堤之。不兼渠之兼堤之。未有有利無害者也。往者遞闢遞闢。旋舉旋廢。雷於是有所腹啼飢之人。歲遇大饑。老弱瘠之溝中。壯者散之境外。可爲歎息。憶余丙申。曾束洪泰藩曰。水利不興。孽教不飭。安能福雷哉。泰藩尋離任不果。乃今幸得司理高君則。洞見雷州利害而力行之。甲辰六月。王生之翰。季生能白。航海而南告余高君濬河狀。其言曰。高大夫福雷甚厚。司理賢聲。昭晰粵東不具述。頃奉兩臺檄兼署郡篆。邑事掣然理也。剖案積。清衙盜。振作文教矣。而又夏日課東洋之農。循環塘。踏圩岸。力修何戴諸公故蹟。開二大河。河各長三千餘丈。宜障者障。宜橋者橋。宜闢者闢。計田鳩工。民不見勞。僅三月而竣。萬頃穰穰。周澤溥矣。兩臺諸當道。咸噴噴稱與之。御史林公。且給緡銀七十金佐其事。凡所調度。悉出大夫捐己以處。私毫不費公帑。

及民間財。又議建迎春亭於東郊。以導生氣。豁海康溢額千八百口。以恤民窮。嚴禁四方游商之居奇。以繁生齒。清沿海之野。輯鄉保之兵而益之。不動聲色。襁袞寇之魄。俛首而去。諸所興革。若日昃而風清也。高大夫福雷甚厚。白先生直筆紀之。用光往者。風來者。余聽之擊節稱歎。吾瓊嘗辱高君代直指巡矣。宿蠶一洗而盡。瑯人頌之。當其大有造乎。爰綴居平所見聞。雷人所言。而自稔曰。夫士大夫文行自詡。一入聲利之場。如突入洿池。拖泥帶水任之。疇能脫身藻潔。念切痼瘵。日孳孳務與民同噢咻而衽席之也者。一、宜紀以暫視署雖於永肩。以叢控視兼署雖於紛馳。疇能神智大定。精采綽如。如林公恕之風稜。楊公澄之平恕。合而爲一人也者。二、宜紀禦寇何如唐公汝迪。苦節何如陸公瓚。自非勇不避難。忠不慮私。又疇能以一歲策千百載也者。三、宜紀有此三宜紀。而渠當不擅何。堤當不專職。三賢可四。四德可五。英靈諸山。若增而崇。擎雷諸水。若溶而深。而安可不貞之石哉。余夙知高君秉正不近名。士民斯舉。必且爲阻。然一郡之心。一世人

許 忠 直 公 遺 集

之心。雷人公之。世寧復以爲私。雷人直之。世寧復以爲枉。矧高公直道公心。必能自信以信雷人。而信之當世。又何阻焉。

祭海忠介公文

祭文

式陸

嗚呼天地生人。惟有此心。人心作用。惟有此真。凡此真心。厥賦惟均。抱真以還。惟公獨然。四歲而孤。母訓是循。性秉剛介。學究本原。鄉愿力誅。口師聖賢。芬如世態。匪染胸襟。特立獨行。砥柱迴瀾。筮登仕路。平黎建言。民物已任。若救溺焚。秉鐸南平。明執憲編。禮以訓士。膝不屈人。兩宰疲邑。專用條鞭。家僮負薪。里胥歸田。岡見上官。知有下民。淳安三載。折挫愈堅。輿國歲餘。京秩高竊。事我齋皇。慷慨批鱗。九死不回。甘饒如餒。寵遇穆宗。一歲敷選。敷歷華要。尋撫廳天。芟強扶弱。矯俗革淫。厥功最鉅。松江開漕。磊磊難偶。浩浩歸然。扁舟卓帽。十有六春。雖則屢薦。若將終身。會值聖明。特起海濱。始擬銀臺。帝更憲臣。趨命在途。尋貳留銓。遂總南臺。彈壓司權。釐汰夫役。若解倒懸。志在救世。力不逮年。七疏不允。恒化登僊。家無長物。原憲之貧。嗟呼生靈間氣。出賢泰元。孔剛孟浩。近代誰

倫。於世無覩。於身無牽。亦惟高風。人人自憐。民悲喪考。士悼涕漣。當宁震惕。若失濟川。贈諡祭葬。渥典頻繁。於公何加。輿望長殷。偉等居同里閭。仕接官聯。周南呶尺。絮酒莫伸。顧瞻矢諫。揮淚沾巾。匪爲吾私。斯世斯民。恪守典刑。庶如公存。

謹案王尚書宏誨。梁中丞雲龍。與公三人祭海公。王梁俱官在江南湖北。公奉旨護喪歸瓊。此是十六年秋祭文。其文必是公作無疑。尚書已有江南同官公祭文。

文筆峰

詩

式掃

憑誰豎義畫。掃破古天荒。雲錦毫端彩。星芒筆底光。穎臨千嶂俯。翰灑八
挺香。對此心緣正。依稀首欲昂。

五指山和丘文莊公韻

翠壁巖巒五嶽連。恍疑仙掌出扶天。迴環遙鎖千溟浪。巖巖長浪百瑞烟。似
鼓羣山來北拱。已標奇甸正南懸。陽春雅調應相續。俊羽清商起太原。

王向
書案

和結句
及之

海口渡 奉使南還

路斷天涯得少停。樓船簫鼓日逢迎。三更挂席渺滄海。二月乘槎老使星。春
氣暖如帷下臥。潮聲細入寢邊聽。寒裝頓喜充行篋。依舊懸車救水亭。

挽海忠介公

本來正氣參天地。正氣如公信可參。九死孤忠能悟主。一生奇節在懲貪。已

聞吳下稱爲母。幾見朝中果是男。蟬翼 翰何事重。對公衾影欲無慙。

玉陽書院

好築山堂深未深。藍輿便得兩登臨。共尋勝日無邊景。時話先天一點心。甫
髮雨翻新作浪。枝頭鳥宿故知音。乾坤不惜明開眼。紅紫東風自古今。

臬塘館喜晴擬回玉陽書院祀白沙先生

聞道青山恥據梧。巾車又到小蓬壺。巖花宿雨紅含態。水鳥新晴綠喚雛。本
爲登山持蠟屐。更盟觀海泛棠蘆。春風兩袖蒲三尺。歸對先生契我無。

遊青山二首 有序

己亥春。會講玉陽書院。從賀明府請。以上丁日文廟祭畢。主祀白沙先
生。不自知其僭也。次日招遊青山嶺。一名玉陽山。書院蓋以是得名
云。時春雨淋漓。旣漑重別。爰賦志感。

江門春景自吾鄉。祀罷先生躡玉陽。剩有春風簑一領。不妨投足雨如漿。

詩

式登

詩

式

年來東道主人翁。靜似潛龍動亦龍。簫酒不知身透雨。乘風直欲跨崆峒。
春到文昌滿縣花。脚歪高處講無遮。微茫雨色團傾蓋。錯認青陽是白沙。

馬鞍岡

從來天廡種。不受俗轡鞿。錦鞞黃金勒。何憂道阻長。